

千金翼方



千金翼方卷第二十四 瘡癰

宋明奉郎守太常少卿充秘閣校理林億等校正

明翰林院檢討國史纂修官王肯堂重校

內閣撰文中書舍人加四級金匱華佗校刻

癰疽發背第一

疔濕第六

蟲附

鼠瘻第二

腸痔第七

脫肛附

瘰癧第三

疥癬第八

漏瘡附

惡核第四

代指第九

丹疹第五

濕熱瘡第十

疥瘡反花附

癰疽發背第一



凡發背及癰疽腫已潰未潰方

取香豉三升少與水和熟搗成泥俟腫作餅子厚三

上有孔勿覆孔上布或餅以艾列其上炙之使溫溫

勿令破肉也如熱痛急易之癰疽當便滅快得安或一日

度炙之若先有瘡孔孔中汁出即差

癰腫發背腫并諸毒腫方

榆白皮 栝樓兩 婦人月布洗取汁金 煎藥土

貨鼠土各半兩 鼠金 鼠金 右五味搗和作泥封之一日漸消五

日全差若壞封四畔差

有癰腫無啣賴發背及癰癩已疼痛方



蒸糜穀更透熨之即愈

一云蕎麥殼更炙熨之

癰疽發腹背陰處通身有數十癰方

取牛糞乾者燒末以雞子白和塗乾則易差正

又方

以牡蠣粉大醋和塗即愈

占斯散王消腫癰疽消膿方

末占斯 人參 乾薑

一云乾薑地黃

桂心

細辛

厚朴

敗醬

防風

桔梗

枳椇

甘草

各一兩

右一十一味搗篩為散酒服方寸匕藥入咽覺藥流入瘡中

若癰疽灸之不能發膿者可服之瘡未壞者去敗醬已發膿



者因敗醬服藥廿七夜二以多為善若病在下宮膿血出此
 為腸癰也諸病在裏惟服此藥即覺其力痛者即不痛為
 治諸瘡及疽疔瘡已潰便早愈醫人不知用此藥發背無
 不治者惟服此耳若始覺背上有不好而渴者即勤服之若
 藥力行覺渴止便消散若雖已壞但日夜服之勿住佳也服
 之腫自消散不覺去時欲長服者當去敗醬婦人乳癰宜選

服一方無杜心

腫癰潰男發背女發乳及五疔方

蝟皮燒 蜂房燒各一具 蜀椒 乾薑各一兩 厚朴二兩半

附子炮法 桂心 當歸 續斷 藁本



地榆皮各五

右十一味搗篩為散酒服方寸七日三加

鴛七枚益良

治骨疽百方治不差方

可於瘡上以次灸之二日一夜無不愈

又方

久瘡不愈差而復發骨從孔出者名為骨疽取死烏雌雞

淨去肉取骨熬令成灰取三家牛狗木刮取屑三家炊單各

一兩皆別熬成灰合瘡瘡中碎骨當出數寸片愈

鼠瘻第二

論一首方一十
一首灸法參首

論曰一切癰疽皆是瘡癩根本所患癰之後膿汁不止得冷即



是鼠瘻是以漏方次之大須急救之

治鼠瘻方

馬齒草五升切

檲白皮

一筋淡五升煮取一升澄清

麝香

半臈乾之研末

杏仁

半升油熬令黑搗如膏

右四味以瓷器貯之合和以三四重膏

密繫口病已成瘡者以泔清煎減半洗作貼子塗藥貼著瘡

上日三易之若未作瘡如癰癤子者以艾一升熏黃如棗大

乾漆如棗大三味末之和艾作炷灸之三七壯止

治諸漏方

又新兒屎百日以來皆收置密器中五六日取塗瘡孔中



取鯉魚腸切作五段火上煖之先洗瘡拭乾以腸貼之冷即
易之從旦至夜乾止覺癢開看蟲出即差

又方 日五六更

取雞子三顆米下蒸半日取出黃熬令黑先拭瘡汗令乾以
藥肉瘡孔中不過三度齒骨 決莫 患鼠甲半瓊手 兩干 各三

又方

以臘月豬脂以紙維粘取肉瘡孔中日五度夜三度

風漏及鼠漏方

赤小豆 白斂 牡蠣 黃耆

右四味等分擣篩為散酒服方寸七日三



蟻漏方

取陵鯉甲貳拾枚燒為末豬膏和傅

又方

取半夏一枚屑之以鴨膏和傅之

漏方

鍛落鐵屑 狗頰車連齒骨炙 虎糞 鹿角甲半取毛各三兩干

金云鹿皮合毛燒為灰 右四味搗篩為散以豬膏和內瘡孔中須臾

易之日五六度

治鼠漏方

死鼠一枚中形者 亂髮一雞子大 右二味以臘月豬膏纔得沒之微



火煎之鼠髮消盡膏成以塗瘡上又以酒服半分許鼠從

中出

寒熱瘰癧方

連翹 黃連 苦參 栝樓 土瓜根 芍藥 恆山 各一兩

龍膽 二兩 狸頭骨 一枚

右九味搗篩為散酒服五分七日三 千金無 狸骨

治身體瘰癧及常有細瘡又口中有瘡薔薇丸方

薔薇根 兩 黃蘗 黃耆 黃芩 芍藥 苦參 白欬

栝萸 防風 龍膽 鼠李根皮 石龍芮 各二兩

梔子仁 兩 右一十三味搗篩為末鍊蜜和丸如梧子飲服



十五丸日三

千金無黃葉

頸漏

搗生商陸根作餅子如大錢厚三分貼漏上以艾炙之熱則易之可灸三四升艾便差

一法

葶藶子

合鼓升

右二味搗大爛熟作餅之如上以一餅子

當孔上貼以艾炷如小指大灸上三壯一易三餅九炷日三

隔三日一灸

一法

凡是瘰癧有結核作癰癤者以獨顆蒜去兩頭足之如前法



日炙三度差

一法

七月七日未出時採麻花五月五日取艾等分合作

漏上百莊

治癩方

馬齒草

陰乾

臘月淳麻燭燼

右二味等分搗細篩以臘月豬

脂和之先以煖泔清洗瘡拭乾塗之

又方

解木皮一尺闊六寸去黑皮細切以水一斗煮取去五升去滓內白糖十挺煎取一升分三服以銅器中貯之若吐吐著



器中看之

人參散主寒熱瘰癧在頸脉下如杏李方

人參 乾薑 白芷 甘草 各一兩

右四味搗篩為散生

飲服方寸七日三少小半七以意增減

又方

狸骨 五分 烏頭 十分炮 黃蘗 一兩

右三味搗篩為散先食酒服一錢七日三

又方

連翹 黃連 芍藥 苦參 土瓜根 龍膽 當歸 各半兩

右七味搗篩為散先食以温酒服錢五七日三稍加至方寸



七千金無當歸有栝
藟恆山為八味

又方 取桃枝上不落子擣末以大醋和傳之

鼠乳方

常思根拭去土勿洗以附本繫之一日一夜便斷消

療疽第三 方八首

癰疽秘方世所不傳神良無比

千金分兩異

升麻

乾地黄

枳實

各三兩

大黃

三兩半

前胡

三分

犀角

一兩半

麝香

射干

甘草

炙各半兩

右九味以水九升煮取三升分三服以差為度不限劑數

豬蹄湯主癰疽諸疽十指白疔赤痛癢已潰方



豬蹄一具治如食去

白芷

芎藭

黃芩

細辛

當歸

藁本

藜蘆炙一

本無

莽草

甘草各一

右一十二味以水三斗煮豬蹄取

斗去蹄肉諸藥煎取五升洗潰瘡

搗湯主癰疽潰爛欲作末成或如桃李核或如雞子赤嫩方

黃芩

黃連

大黃

當歸

芒硝

甘草

右六味以水六升煮取三升去滓還鑊中內芒硝一沸貼布

帛中以榻腫上數百遍

癰疽浸淫多日漸大方

胡粉

一分

黃連

蘭茹

甘草

各二



右四味搗篩爲散以粉瘡上日三

癩疽著手足肩背累累如米起色白刮之汁出愈而復發

黃耆一兩 欬冬花 升麻各一兩 赤小豆 附子炮去皮

苦參各一分

右六味搗篩爲散酒服半錢七稍增至一錢七日三服

又方 取虎矢白者以馬矢和之暴乾燒灰以粉之

又方千金分 兩異

龍骨 胡粉燒 滑石各三分 青本香二兩

右四味搗篩爲散以米粉一升和之稍稍粉之日四五

癩疽方



竈室塵

竈突中墨

竈釜下土

各一升

右三味以水九升煮三沸取汁以洗瘡日三四度

惡核第四

論一首方
一十三首

論曰凡惡核似被射工毒初得無定處多惻惻然痛時有不痛者不痛不憂不憂則救遲救遲則殺人是以宜早防之此尤忌牛肉雞豬魚驢馬等肉初如粟或如麻子在肉裏而堅似炮長甚速初得多惡寒須更即短氣取茱萸五合作末水一升和之絞取汁頓服之以滓傅之須臾更服此汁令毒氣散不入腹入腹則致禍切慎之

江南毒氣惡核射工中人暴腫生瘡五香散方

黃蘗千金作陸分 甲香 薰陸香 青木香

翔羊角 丁香 沈香 犀角 鼈甲炙

升麻 烏鶯千金作烏翼 黃芩 黃連 甘草 各四分

吳茱萸 右一十五味搗篩為末中射正毒及諸毒皆水

服方寸七日三以雞子白和塗腫上乾則易之兼以水和少

許洗腫上千金有牡蠣四分

野葛膏主射工惡核卒中惡毒方

野葛升 巴豆去皮 烏頭 蜀椒各五合 附子 丹砂

茵芋各一兩 雄黃大小黃 躑躅各一兩

右一十味搗篩為散以不中水豬膏三飴煎三上三下去滓



肉丹砂雄黃末攪至凝以棗核大摩病止勿近眼凡合名膏

皆不用六畜婦人小兒見之千金分兩小異

麻子湯主遍身流腫方

麻子五升 赤小豆三升 防風三兩 附子炮 當歸各一兩

右五味先搗麻子令熟以水三斗煮麻子取一斗三升去滓

內藥及豆合煮取四升去滓食豆飲汁

治惡毒腫或著陰卵或偏著一邊疼痛攣急痛牽小腹不可忍

一宿殺人方

取茴香草搗取汁飲一升日三四服滓傳腫上此外國方神

驗從永嘉以來用之起死人神效無比



凡風勞毒腫疼痛攣急或牽引小腹及腰膀痛方

取菘仁一升去尖皮兩仁者熬令黑烟出熱餅如脂以好

三升攪令相和作一服覆取汗不過兩三度作之差

若從腳腫向上稍進入腹殺人方

取赤小豆一斗以水三斗煮爛出豆以汁漬膝以下日一數

日則愈矣若已入腹者不須漬漆但煮豆食之斷一切鹽菜

飲食米麵惟祇食豆一物渴飲豆食差乃止

大麻子赤小豆湯主毒腫無定處或赤色惡寒或心腹刺痛煩

悶者此由毒氣深重也方

大麻子

熬

赤小豆

各五升

生商陸

二升薄切

升麻

四兩

附子

炮

射干

各三兩



右六味以水四斗煮諸藥取二斗三升去滓研麻子令破和
煮麻子一沸去滓取汁煮豆令極熟去滓可得六七升一
一升一日一夜令盡小便當利卽毒除腫減食兼此豆食
如湯沃雪凡用麻子皆不得用鬱汜者可揀擇用之

丁腫方

狗尿珠一名龍葵取汁傅之拔出根冬用乾者湯漬取汁用
之

又方

取蒼耳燒灰和醋泔澱作泥封之乾卽更塗勿住取拔根出
乃止



又方

取黑牛垢封之

又方

刮竹箭上茹作炷炙上二七壯即消矣

又方

末附子醋和傅上燥即塗

又方

取生薺芫根汁一合去滓塗不過三度

丹疹第五

方三十首

治丹毒腫升麻搨湯方



升麻

漏蘆

芒硝

各一兩

蒟蒻根

五兩

黃芩

三兩

梔子

二十枚

右六味切以水一斗煮取七升冷分用漬搗常令濕為佳

丹毒一名天火肉中忽有赤如朱塗之小乾即塗逐手消

復合漏蘆湯以防其內其方如左

漏蘆

白歛

黃芩

白朮

枳實

升麻

芍藥

麻黃

去節

甘草

各一兩

大黃

二兩

右一十一味咬咀以水一斗煮取三升分三服

治五色丹俗名油腫若犯者多致死不可輕之方

縛母豬枕頭卧即差

又方 牛屎塗乾則易之



又方 雞子白和蒲席灰塗之

又方 搗麻子水和塗之

又方 煎羊脂摩之青羊脂尤佳

又方 赤小豆五合末水和取汁一合服滓塗五心

又方 以芸薹菜末雞子白和塗之

一云芸薹菜汁服之
參合洋塗丹上

又方 榆根白皮爲末雞子白和傅之

又方 燒苦竹葉篩灰和臘月豬脂塗之亦治油腫

又方 搗芸薹菜封卽差止

又方 搗慎火草封之神良

又方 鱧魚五枚五寸以上者去鱗炙研末砂一合和搗如泥



封病上厚三分乾易之

瘡病方

取麋鹿二肉治如厚脯火炙令熱搗掩瘡上令更炙搗

炙四易痛膿便愈更炙新肉用之

日瘡方

先極搔刮以之即愈又取東向空木中水熱刮瘡上洗

之二三遍即愈

又方 礬石燒 硫黃 以上二味等分末以醋和傅上

麻遊腫方

以生布一片搵油中布入油出以火然之持照病上咒曰日



月遊遊不知羞脂火燎你頭七遍差

白遊腫方

熟搗生羊脾塗之

青白赤遊手近微痛者方

大黃 蒲黃 伏龍肝 各二兩

右三味以水和如薄粥塗之

治赤遊方

以鷹矢水和塗之二三次差

又方

胡鷺巢灰醋和傅之日二三



又方

以冷水射注

又方

大黃 紫檀 各一兩 豉一合

右三味搗細篩為末大醋和傅之

又方

搗慎火草如泥塗之此最大良

火遊腫方

大黃慎火草和為末塗之

又方



胡椒一兩和醋一合煎塗之

火遊腫流遍身赤色者入腹卽死方

以生豬肉傅土其肉蟲烏不食臭惡故也

疔濕第六

論二首方
三十八首

論曰夫疔濕之爲病也或寒或寒如病瘡狀或時下痢或痢或斷或常痢不止無有時節或時睡眠有時思食而氣力漸弱日羸瘦腹背攣急頭項無力嗜卧食少試法先指作其脊上兩邊若逐指卽起如粟者卽是疔病若不起者非是疔也若起者可漸向上琢若起至頸骨兩邊者卽是蟲已入腦矣病難愈矣療一得二終須多灸若未入腦醫之可差



灸法

先以繩拘項向心厭頭令當齊骨下尖處卽插著轉繩
背上當脊骨插頭橫量病人口兩吻頭作定於捉繩頭
上點兩處灸必須細意點處齊平卽灸初日灸一壯滿一
日至第二七日灸二七壯第三七日旦暮灸七壯第四七日
日祇三壯第五七日日二壯看初灸二三日若灸瘡發膿者
易差五六日乃發者難差惟得食白飯苜蓿苦苣菜香
漿少許燒鹽差後百日乃可得依常食又須灌藥二遍相去
五日一灌

白蔥

握一

豉

升一

蜀椒

合三

鹽

合二



右四味以水一斗煮取七升去滓煑灌之取一升乃灌也

療疔濕食口齒及下部方

飛廉蒿蜀人

右一味燒作灰擣篩為兩錢七著病處

忍之若不痛則非疔也特忌油膩蜜魚有人患疔食口刺痛

穿著此得差著下部中蟲如馬尾大相續出無數十日後差

二十日平復

又方 取五葉柴花草未和杏仁葦花灰相吹下部中差

疔濕方

搗五葉熟先病上拭乾內著病上差為限所中疔者絞取汁

五合服之日三夜一



下部癢如蟲行方

真朱砂一銖 礬石二分 芎藭一兩 右三味搗末綿裹內下部

又方 取蝦蟇末 兔矢末用之如上法

又方

以紙裹黃芩根煨火燒熟以蜜塗內下 中一切蟲痔皆愈

又方 黃連 蛇床子各半兩 黃芩 梔子各一兩

右四味搗篩為散以臘月豬脂和塗內下部中日再

又方 大黃 黃芩 黃耆 玄參各一兩 丹參三分 芍藥半兩

吳茱萸五分 炒 右七味搗篩為散酒服方寸七日三

治疔濕久下疔赤白百癢不差方



兔

炙

狐骨

皆臘月採炙

葶藶子

熬

百草

五月五日收

蛇頭

炙

蝦蟇

炙

蜚蠊

皆夏灰日採灰

石黛

千金作青黛

晚蠶蟻

熬

青礬

熬

丁香

麝香

荏藹

灰

故緋

灰

苦參

藁皮

乾薑

角蒿

灰

丹砂

芒硝

鐵衣

印成鹽

救月木

蜣螂屎

桂心

席中桀

黃礬

熬

右二十七味等分細研如粉

以筒子吹下部日二良

千金有倒挂草荏子

疳濕下蟲方

大黃

朱砂

石黛

石鹽

麝香

丁香

礬石

熬

梔子

鐵衣

黃荏子

熬

細辛

熬

乾薑

熬

蜀椒

汗

葶藶子

熬

菖蒲

熬

蝦蟇

乾者熬



故靴底灸之粘腐者 鬲髓骨新者不任用

右一十九味等分搗篩為散以筒子吹藥杏仁大下部

有患疔瘡悉傳之其丁香麝香皆別研細內藥中合之

有芥子若病大重者用灌法如左

丁香 麝香 甘草各三分 犀角五分

右四味細末如粉別以鹽三合蜀椒三合豉二合以水三升

煮取一升去滓內諸藥合和分再灌之旦一酉一

月蝕惡瘡息肉方

硫黃雌黃一云

蘭茹

蟹螯去翅足 各一兩

篩為散以粉瘡上乾者以豬膏和塗日三夜一



治疔食人諸處凡是赤白痢久不差秘之方

五月五日蝦蟇

一枚半熬半生作末

金銀土竭

人參灰

各五分子作各五兩

銀末

小豆大

麝香

一分

右五味細研如粉傅病上即差三七

慎食甜物痢者吹下部中

凡人口中生瘡不差下至咽喉胃中有三年不差者此亦是疔

食病宜塗角蒿灰於病上有汁咽之不過一宿差

又方曰薔薇根濃煮汁含咽三宿差

又方曰大麻子

各一升半並熬令焦赤

右三味以三升瓦餅泥裹上厚一寸待乾內麻子等令滿以

四五枚葦管插口中蜜泥之掘地作竈倒立餅竈口中竈底



著瓦器承之蜜填龜孔與地平聚炭餅四面以擊壓之日
 放火燒之至明旦開取脂適寒溫灌下部中一合尋覺
 有藥氣為佳亦不得過多多則傷人隔日一灌重者再
 止旦起灌至日夕極覺體中之勞勿恠也非惟治疔濕凡
 異同疥癬並洗塗之無不差一云口含一丸

疔食下部生瘡及日月食瘡方

- 麝香
- 乾薑
- 蠹蟲矢
- 葵莖灰
- 礬石 各三分

五月五日蝦蟇 一枚

右六味搗篩為粉以竹管吹下部入內三寸日再

又方 藿蘆 兩 狼牙 兩 橘皮 蕭藟 青篩 各半兩或
是青藟



右五味準前法用之

瘡濕方

取乾羊矢一升以煖水三升漬之一宿絞取矢汁和末

一顆內汁中溫之灌下部令藥停腹一日久病乃差

又急瘡食鼻口數日盡欲死方

藍澱塗所食上令遍日十度夜四差止

又方細末沒石子吹下部立差

又方燒文蛤灰臘月豬脂和塗

又方灌白馬尿一升

治痛瘡方



楸枝葉水洗煎稠可丸以水筒內下部中疔痔漏皆差煎
楸葉汁數洗之良

消蟲月蝕濕蟄等方

臘月兔頭二枚五月五日蝦蟆一枚青黛兩小薊灰

地黃葉灰名麻子大虎頭八分貝齒七枚

右七味為散綿裹如棗核大內下部中亦筒吹半棗核大成
人者并華水旦服五分七隔日一服

論曰患濕慮蟲多是熱病後或久下不止或有客熱結在腹中
或遇暑濕涼氣者多生此病病亦有燥蟄不甚洩痢而下部瘡
癢不問燥濕久則殺人為病診齒無色舌上盡白甚者滿口有



瘡四肢沉重喜眠如此者此為蟲蝕其肛肛爛盡見五藏即
矣治之方

黃連

生薑

各十兩切

艾葉

八兩

苦參

四兩

右四味以水一升煮取三升為三服日三久者三劑良

凡濕匿欲得冷而苦痢單煮黃連及艾葉苦參之屬皆可得用

懊懷散主濕匿瘡爛殺蟲除熱方

薤蘆

青箱

女青

菝仁

去皮尖雙仁熬

雷丸

各二兩

篇蓄

半兩

右六味搗篩為散粥飲服方寸七日三稍增至二

七酒服亦得

濕匿神方



取生薑刮去上皮斷理切之搗極熟取汁一升五合又以水
一升五合和合相得旦空腹服之仍刮生薑二枚如指大
秋葉莖葉數重裹之燒火中燒之令極熟內下部中須與
濕盛者頻三日作之無有不差

陰蝕瘡方 蒲黃升 水銀兩一 右二味熟研令散以粉瘡三五

月六月七月食特忌肥濃慎之者即免此

又方 肥豬肉三十斤并得陰肉雜用益良以水二石煮取熟
訖去肉以湯汁內大盆中以自洗冷即易不過四遍

殺九蟲散主寒疝心痛及蟲嚙心痛方

藿蘆

貫眾

乾漆

各二兩熬

狼牙

兩



右四味搗篩爲散以羊臙和服之一合日三服下痢矣

治熱心中懊懷方

藿蘆二兩 乾漆熬

篇蓄各三分

右三味搗篩爲散粥飲服方寸七日三

治蟲痛方

熬乾漆末之蜜和丸如桐子飲服十九日三

又方

燒槐木耳灰水服棗大差不止飲一盞熱湯立有蟲出

有人患心腹脹滿不能食飲至於死有人教取羊子肝搵蒜蘼服之逐轉下五升如粉粥寸寸皆是蟲即差此人口中生瘡名



曰乾疔以此療之得差百日內必不得食醬食醬即發常食蒜
薑平日服至日西即下其薑須和調作不同尋常食薑也

腸痔第七 方三十論一首

療痔方

臘月牛脾一具炙熟食之令盡即差

又方 牛脾一具熟煮空腹食之盡勿與鹽醬等一具不差更

與一具從旦至未令盡

治外痔方

麻子四升搗生布袋盛飯下蒸之絞取脂銅盤盛煖之以綿
貼子坐使正當蒸痔孔須與易之更坐蟲出



又方 搗藟蓄絞取汁澆麪作餅飪空腹喫日三頓常食之良

療痔方 桑耳切三升水一斗五升煮取三升日服一升日

三日服一劑

又方 桑耳作羹臙調和令美空腹下飯取飽不過三頓差

又方 蝟皮一具乾地黄伍兩連翹子 槐子 當歸 乾薑

附子炮續斷 礬石燒黃耆各二兩右一斗味擣篩為末鍊

蜜丸如梧子飲服十五丸日二稍加至三十丸兼主漏

又方 取生槐白皮十兩熟搗丸如彈丸綿裹內下部中長喫

藟蓄菜及煮汁作羹粥食之大佳

治下部癢痛繞緣腫起內欲生肉突出方



大豆三升水七升急槐白皮切六升干甘草三兩

豆汁取二味取二升漬故帛薄之冷則易之日三五度

槐白皮膏主下部癢痛痔瘡方

槐白皮五兩赤小豆二合棟實 菀仁各五當歸三兩白芷

甘草各二兩右七味以咸煎豬脂一觔微火煎白芷色黃去

滓摩病土兼導下部中千五分

療痔方 取故鑿一枚燒作灰以井華水空腹服一分

又方 取地黃末傅下部中三日三夜一良

又方 乾薑 芫花 蜀椒各一兩豬懸蹄十枚附子三枚

芍藥 白薇 白欬 大黃 牡蠣熬桂心各半甘草一兩



南京中医药大学图书馆版权所有

右一十二味搗篩為散酒服方寸七日一

療治下部出膿血有蟲傍生孔方

取槐白皮一擔以水煮令熟極出置木盆內坐其中欲大便

狀蟲悉出冷復易之不過二三度差

又方煮槐梗汁洗之

又方煮桃根汁洗之

諸痔去血過多氣急悒悒不下食或腹痛大孔下部痛當歸湯

方當歸 乾薑 桂心 甘草 糖 牡丹 白芷

附子 芍藥 人參 乾地黃 右一十一味以

水一斗煮取三升二合去滓內糖令消分為四服

諸大去血積日虛之內補湯方 人參 續斷 白芷



北京中醫藥大學圖書館版權所有

芍藥 附子炮 當歸 甘草各二兩 桂心 茯苓 乾薑

芎藭 乾地黄 五味子 麥門冬去心 大棗二十枚

右一十五味以水一斗煮取四升分四服

諸痔下血蒲黃湯方 蒲黃一升 當歸 白芷 白石脂各兩

黃連 芎藭 甘草各兩 乾地黄 右八味以水一斗

煮取三升分三服

諸痔去血大虛黃耆湯方 黃耆 當歸 芎藭各三兩

龍骨一兩 芍藥 桂心各四兩 糖一觔 附子炮 甘草各二兩

右九味以水一斗煮取三升二合去滓入糖令消分服五

槐子丸主燥濕痔痔有雌雄皆主之方



槐子 吳茱萸根皮 乾漆各四兩 熬 痰藜三兩 秦朮 黃芩

牡蠣熬 雷丸 白芷 龍骨 黃耆 桂心 丁香

青末香 八角附子炮去皮 各二兩 右一十五味搗篩為末

和丸如梧子飲服二十九日千金有白餘

小槐實丸主五痔十年方 槐子三兩 白糖二兩 礬石燒

硫黃各一兩 龍骨 大黃 乾漆各十兩

右七味搗篩四味其礬石及糖並細切內銅器中一石米下

蒸之以綿絞取汁以和藥令作丸併手丸之如梧子陰乾酒

服二十丸日二稍增至三十丸

槐子酒主五痔十年不差者方 槐東南枝細切一石



槐白皮

細切一石
千金錄

槐東南根

細剉
三石

槐子

一斗

右四味以大釜中安十六斛水煮取五斛澄取清更煎

石六斗炊兩斛黍米上麴二斗釀之攪令調封泥七日

取清飲適性常令小小醉耳合時更煮滓取汁淘米洗器不

得用生水作酒須知此藥忌生水故也

主痔神方

七月七日多採槐子熟搗取汁重綿絞之內銅

器中著中庭高門上暴乾之二十日以上煎成如鼠屎大內

穀道中日三亦主瘰及百種瘡

又方

取三具鯉魚腸以火炙令香以綿裹之內穀道中一

食頃蟲當出魚腸數數易之盡三枚便差



又方 炙魚腸令香坐上蟲即出

又方 虎頭骨炙犀角末

又方 右二味各末之如雞子大以不中水豬膏和塗

治痔方 取八月槐子搗取汁煎作丸塗之

又方 取熊膽塗之取差止但發即塗

又方 以紙裹小爪或是木爪以泥裹厚二四分塘火埋燒之令大

熟經宿勿食使大饑開取承熟任意飽食之覆煖卧一炊久

其痔永差

五痔方 人五月五日收蒼耳莖葉搗為末水服方寸七日三差

採時陰乾 又方 燒羊角鯁末酒服方寸七日三



南京中医药大学图书馆版权所有

又方 常服蒲黃方寸七日三良

論曰凡人大便有血即是痔病多得慢之慎乾棗油膩豬

患痔在身所服名藥皆不得力徒棄功夫一無所益欲服

當斷之乃可服也第一槐子仁丸大有効驗方在前篇中必

事服之勿致疑也

治脫肛方 蒲黃二兩 右一味以豬肪和傅肛門上內之日二

或三愈

又方 腸出不入生栝樓根取汁豬脂膏等分湯上溫內之差

又方 以鐵精粉上內之每出即粉取差止

疥癬第八

論一首方三十一



論曰痼瘡疥癬百瘡諸蟲若不速愈三年不差便為惡疾何者

諸蟲極盛藥不能當所以須防之不可輕也凡療疥癩黃耆酒

中加烏蛇脯一尺烏頭附子茵芋石南莽草各等分大秦丸

亦相當 千金云小秦丸散中加烏蛇肉一兩

香瀝主燥濕癬及痼疥百瘡方 沉香 松節 各一筋一方 更有栢篩杉

一筋 右二味破之如指大以布袋盛之令置麻油中半食

久取一口糞坭穿底令孔大如雞子以松葉一小把籍孔上

以坭安著白盃上以黃泥坭固濟令厚五分以藥內坭中以

生炭著藥上使然其瀝當流入盃中然盡乃開出坭取汁以

傳瘡上日再并治白禿疽惡瘡皆差當服秦丸散即差



礬石瀝主乾濕癢及惡瘡白禿方
礬石 硫黃 芒硝

大鹽各三 松脂 白糖各八 右六味切諸藥令如指大

取甌蔽仰銅器上內甌中以藥安蔽上以松脂白糖布藥
都訖重以大蔽覆之臨用小溫塗瘡上日再

治癬秘方 搗羊蹄根著蠶器中分以白蜜和之臨用刮瘡

四邊令傷先以蜜和者傅之如炊一石米頃拭去更以三年

大酢和之以傅癬上燥便差若刮瘡處不傷即不差或作大蒜

治久疥癬方 丹砂 雄黃 雌黃 亂髮洗淨 松脂

白蠟各一 巴豆十四枚 豬膏二升 蘭茹三 右九味先煎髮令

消盡內松脂蠟等三上三下去滓末蘭茹石藥等內中更一



凡沸止傳之三四度差千金用蜜

治久癬不差方中細研水銀霜如粉和蠟月豬膏先以泔

洗瘡拭乾塗之一塗即差後時重發更塗即永差塗時大

薄慎勿厚也

又方水銀礬石蛇床子黃連右四味各一兩臘

又月豬膏七合和攪不見水銀為熟傳之治一切無問幼小諸

瘡一切塗瘡頭加藺茹一兩

治諸瘡癬療不差水銀豬膏臘月者一助千金作五助

右二味以鐵器中壘竈用馬通七日七夜炊之停冷取豬膏

去水銀不妨別用以膏塗一切諸瘡無不應手即差



又方 牯牛尿一升千金 羊蹄根切二升干金作五升

右二味內羊蹄漬一宿日曝之乾則內尿中漬一宿更曝

盡止搗作末塗諸瘡癬上和猪膏用更精

又方 諸瘙疥皆單用水銀猪膏研令極細塗之

又方 取生烏頭十枚切煮取汁洗之即差

治癬方 洗淨瘡取醬瓣尿和塗之差止千金方云醬瓣雀屎和傳之一作尿和

又方 水銀 猪膏 右二味酥和塗之即差千金作水銀蕪黃和酥傳之

又方 正月中午時灸病處影上二姓灸之呪曰癬中蟲毛茸

若欲療待日中 又方 取酥墨塗之千金酥作蒜

凡諸瘡癬初生時或始痛癢即以種種單方救之或嚼鹽塗之



又方 取鯉魚鮓堪塗之

千金作以鯉魚鮓糝傳之

又方 取薑黃塗之

又方 取牛李子汁塗之

治癰方 取黃蒿穗作末粉傅上日三夜二一切濕癰並差

又方 取八月八日日未出時令病人正當東向戶長跪平舉

兩手持戶兩邊取肩頭小垂際骨解宛宛中灸之兩火俱下

各三壯若七壯十日愈

又方 搗刺薊汁服之

又方 服地黃汁佳

又方 服驢尿良

又方 搗葇荑蜜和封之良

又方 熱楨煎餅不限多少日一遍薄之良

又方 酢煎艾塗之差

又方 搗羊蹄根和乳塗之



又方 大酢和雄黃粉先以新布拭之令癬傷傳之妙

治痲疥百瘡經年不差方 棟實升地榆根 莖皮

苦參各五兩 右四味以水一斗煮取五升稍溫洗之日

治痲疥濕瘡浸淫日痛癢不可堪搔之黃水汁出差復發方

取羊蹄根勿令婦女小兒貓犬見之淨去土細切熟熬以大

酢和淨洗傳瘡上一時間以冷水洗之日一傳凡方中用羊

蹄根皆以日未出時探者佳

又方 作羊蹄根散癢時搔汁出以粉上又以生根搯之神驗

療渴利後發瘡坐處瘡疥及疵癬方

薺薇根 石龍芮 芍藥 雀李根 黃蘗 黃芩各三兩



當歸 續斷 黃連 大黃 各一兩 栝蔞 四兩 苦參 黃耆 各二兩

右一十三味搗篩鍊蜜和以飲服之丸如梧子大一服十

丸日三加至三十丸瘡差乃止所是癰疽皆須服之 千金云瘡根之分

又云 赤小豆 一升熬內酢 人參 甘草 炙 瞿麥 白斂

當歸 黃芩 豬苓 各二兩 防風 一兩 黃芪 薏苡仁 各三兩

升麻 四兩 右一十二味搗篩為散飲服方寸七日三夜一

治疥疽諸瘡方 水銀 胡粉 各一兩半 黃連 二兩 黃蘗 七分

礬石 附子 各三分 蛇床子 半兩 苦參 一兩

右八味下篩六種水銀胡粉別以豬脂研令水銀減不見乃

以豬膏和研令調如泥以傅瘡上日三夜一



代指第九 方六首

治代指逆腫方 以毛雞黃土作泥泥指上令厚五分內燒

中令熱可忍之泥乾即易之不過數返即差

又方 單煮地榆作湯漬之半日便愈

治代指方 麻沸湯內指其中即愈

又方 先刺去膿血炙魚鱗皮令溫以纏指周圍痛止愈

治指疼欲脫方 取豬脂和薑末稍令熱內指甲中食頃即差

治指掣痛方 取醬清和蜜日多少溫塗之即愈

濕熱瘡第十 方三十四首

治濕熱諸惡瘡方 芍藥 二兩 大黃 白芷 各三兩 狼牙 黃蘗



丹參各五兩 右六味切以水四升煮取一升半以洗之日二度

治濕熱瘡多汁粉散方 芎藭 大黃 白歛 芍藥 黃連

甘草 龍骨各一兩 右七味搗篩為散以粉瘡上日二度

又洗之方 茵芋 莽草各三兩 蛇床子 躑躅 石南

礬石各二兩 右六味切以水一斗煮取五升洗瘡日再

治惡瘡三年不差方 巴豆去皮 甘草 右二味等分細下為散

先別煮甘草湯洗瘡訖以藥傅之先從四面 日三夜一

治惡瘡似火爛洗湯方

取白馬矢暴乾以水和煮十沸絞取汁洗之極佳

治惡瘡十年不差似癩者方 蛇蛻皮 一枚



右一味燒之末下篩以豬脂和傅之良

又方

苦瓠

一枚

右一味吹咀煮取汁洗瘡日三度洗煎以

麻甚良須先以泔清洗瘡也

治諸惡瘡烏頭膏方

烏頭

雄黃

雌黃

芎藭

升麻

各半兩

杏仁

三十枚

胡粉

一分

巴豆

去皮七枚

黃連

黃蘗

各半兩

亂髮

松脂

各如雞子大一枚

及已

三分干金作乃已

右一十三兩切以

豬膏三升急煎令亂髮消盡去滓停小冷以真朱二錢七投

中攪令相得以傅之凡用膏皆令先溫酢泔清洗瘡拭乾乃

傅之訖以赤石脂黃連散粉之此治諸惡瘡皆差

干金有竹灰水銀蠟

梔子湯主表裏俱熱三焦熱實身體生瘡發即大小便不利方



大黃四兩 梔子仁三七枚 黃芩二兩 芒硝二兩 知母 甘草各二兩

有六味咬咀以水五升煮減半下大黃煮取一升八合絞

滓內芒硝分為三服

又方 礬石 蠟 松脂 亂髮 右四味各半兩豬脂四

兩煎之令髮焦內礬石令消內松脂次內蠟去滓先刮洗瘡

以塗之日再三不痛久瘡時愈新瘡遲愈癢瘡頭禿皆即愈

生髮此膏勝飛黃膏及諸名藥

治諸瘡久不差其療六畜方

棗膏三觔 右一味以水三斗煮取一斗五升數洗取差為度

治身瘡及頭瘡不止方 以菖蒲末傅之日三夜一



治濕熱瘡惡瘡洗湯方

槐子二升 蛇床子二兩 黃連五兩 當歸 芍藥 黃蘗各三兩

右六味切以水三斗煮取一斗五升去滓以洗瘡日三度

治濕熱瘡方 生地榆二觔

右一味以水三斗煮取一斗五升以洗瘡日三度

烏膏主種種諸瘡治不愈方 水銀一兩 黃連二兩 經墨半兩

右三味末之以不中水豬脂和傅之不過三四度神効欲多

任人惟不治金瘡其藥惟須熟研

瘡黃水出流方 燒故鞍履羶灰和臘月豬脂封塗

又方 藜蘆 武豆 右二味等分燒灰和臘月豬脂封塗



又方 松脂取 薰陸香各五 生地黄汁三 白羊脂 石鹽

亂髮灰各半 右六味以豬脂一升煎取五合內地黃

成膏去滓貼之日再

治惡瘡癩瘡方 杏仁去 巴豆各二兩 藜蘆 黃連各一兩

水銀一錢 右五味以青羊脂和研水銀令減先以鹽湯洗

之去上痂傳瘡日三

時氣病後得風生瘡癢搔之黃汁出方

皂莢炙 烏頭 礬石各三 黃連一 牡蠣四 藜蘆 桂心各一

右七味切以水一斗煮取七升去滓先搔瘡令血出温洗瘡

緩浸良久佳



卒患發熱瘡方 取炭長二尺者一枚燒令赤置地中以水二

升灌之取地上汁洗瘡卽差

瘡中惡肉出方

取烏梅顆燒作灰傅瘡中其瘡中惡肉乃盡矣

治惡瘡方 取白芨煮汁洗瘡訖傅膏膏用桑東向枝作末以

臘月豬膏和塗之亦主狗瘡初大痛一宿卽愈

瘡初患似癰後破無痂疼痛難忍名曰豬喙瘡方

燒豬鼻作灰傅之差

友花瘡方 煎柳葉爲煎塗之差

又方 燒馬齒草灰傅之 又方 燒鹽末灰傅之



又方 以蜘蛛幕裹之

王不留行湯主白禿及頭面久瘡去蟲止痛方

王不留行

菝東南枝

菜萸根皮

各五兩

蛇床子

蒺藜

牡荆

苦竹葉

切各三升

大麻仁

一升

右八味咬咀以水二斗半

者取一斗洗瘡日再并治癰疽及月蝕瘡爛

治白禿瘡方

三月三日菝花開者陰乾

赤桑根

栝子

分

右三味為末豬脂和先以灰汁淨洗禿處拭乾塗之

又方

細柳枝

水銀

皂莢

炙

右三味以醋煎如錫塗之

松脂膏主白禿及癰疽百瘡方

木蘭皮

一兩

礬石

杜蘅

雄黃

附子

大黃

石南

秦菝

真珠

苦參



南京中醫藥大學圖書館版權所有

水銀 各三兩干 松脂 陸 右一十二味 以酢漬一宿 豬

膏一斤半 煎之候附子色黃去滓 乃內礬石雄黃水銀

穴煮三沸 安濕地待凝 以傅瘡 日三

又方

以牛肉作五味脯 炙令香及熱 搗瘡不過三四度 卽差

千金 作羊肉

治頭瘡腫方

燒杏仁令黑 磨塗 復取東柴葛蔓及乾魚頭 燒灰和薰黃臘

月豬脂塗之

千金翼方卷第二十四



千金翼方卷第二十五 色脉

宋朝奉郎守太常少卿充秘閣校理林億等校正

明翰林院檢討國史纂修官王肯堂重校

內閣撰文中書舍人加四級金匱華希閔校刻

診氣色法第一

診脉大意第二

診四時脉第三

診寸口脉第四

診關上脉第五

診尺中脉第六



診雜病脉第七

診氣色法第一

夫為醫者雖善於脉候而不知察於氣色者終為未盡要妙故曰上醫察色次醫聽聲下醫脉候是知人有盛衰其色先見於面部所以善為醫者必須明於五色乃可決生死定狐疑故立候氣之法冠其篇首焉

肝受病色青 心受病色赤 脾受病色黃

肺受病色白 腎受病色黑

皆先視於本色

春面色青目色赤新病可療至夏愈

夏面色赤目色黃新病可療至季夏愈



春夏面色黃目色白新病可療至秋愈

秋面色白目色黑新病可療至冬愈

冬面色黑目色青新病可療至春愈

論曰此四時王相本色見故療之必愈夫五臟應五行若有病則因其時色見於面目亦猶灼龜於裡吉凶之兆形於表也扁鵲云病人本色青欲如青玉之澤有光潤者佳面色不欲如青藍之色若面白目青是謂亂常以飲酒過多當風邪風入肺絡於臆臆氣妄洩故令目青雖云天救不可復生矣

病人本色赤欲如雞冠之澤有光潤者佳面色不欲赤如赭土若面赤目白憂悲思慮心氣內索面色反好急求棺槨不過十



曰死

病人本色黃欲如牛黃之澤有光潤者佳面色不欲黃如霜黃土若面青目黃者五日死

病人著牀心痛氣短脾竭內傷百日復愈欲起徬徨因坐於地其亡倚脉能治此者是謂神良

病人本色白欲如璧玉之澤有光潤者佳面色不欲白如堊若面白目黑無復生理也此謂酣飲過度榮華已去血脉已盡雖遇岐伯無如之何

病人本色黑欲如重漆之澤有光潤者佳面色不欲黑如炭若面黑目白八日死腎氣內傷也



病人色青如翠羽者生青如草滋者死

赤如雞冠者生赤如衄血者死

黃如蟹腹者生黃如枳實者死

白如豕膏者生白如枯骨者死

黑如烏羽者生黑如煇煤者死

凡相五色面黃目青面黃目赤面黃目白面黃目黑皆不死

病人目無精光及齒黑者不治

病人面失精光如土色不飲食者四日死

病人及健人面色忽如馬肝望之如青近之如黑必卒死

論曰夫五色者五臟之華也故天清明時觀萬物辨白黑審長



短者五色不分長短乖錯此爲錯亂故人亦然

黃帝問伯高曰察色知病何如伯高曰白色起於兩眉間薄

者病在皮膚唇色青黃赤黑者病在肉榮氣需然者病在血

目色青黃赤白黑者病在筋耳焦枯受塵垢者病在骨問曰病

狀如是取之奈何伯高曰皮有部肉有柱氣血有輪筋有結骨

有屬經曰皮部在於四肢肉柱在於臂肘諸陽分肉之間及少

陰分肉之間氣血之輪在於諸經絡脉氣血留居則盛而起筋

部無陰陽左右唯疾之所在骨之屬骨空之間所以受津液而

益腦髓若取之者必須察病間甚者也閒者淺之少之甚者深

之多之隨變而調之故曰上工經言知一藏爲下工知二藏爲

中工參而知之爲上工上工十全九中工十全六下工十全三
此之謂也

雷公問曰人有不病而卒死者何以知之黃帝曰大氣入於
府者不病而卒死矣

雷公問曰病少愈而卒死者何以知之黃帝曰赤色出於兩權
上大如拇指者病雖少愈必卒死矣黑色出於顏貌大如拇指
者必卒死顏貌者面之首也

顏當兩目下也貌當兩目上眉下也

扁鵲曰察病氣色有赤白青黑四氣不問大小在人年上者病
也惟黃氣得愈年上在鼻上兩目間如下黑氣細如繩在四墓
發及兩權骨上者死或冬三月遠期至壬癸日逢年衰者不可

理病者死四墓當兩眉半直上至髮際左為父墓右為母墓從口吻下極頤名為下墓於此四墓上觀四時氣

春見青氣節盡死

夏見赤氣節盡死

夏秋見白氣節死

春見白氣至秋死

夏見氣暴死黑氣至冬死

秋見赤氣節盡死冬至後甲子曰死

冬見赤氣暴死見黃氣至長夏死

論曰凡病黃色入鼻從口入井竈百日死井在鼻孔上曲中是



竈在口吻兩傍上一寸是若入者丙丁日死

凡人死色易驗但看年上有黑色橫度者此人不出百日死
天中從髮際兩墓皆發黑色此人三年死天中當鼻直上至髮際是也若權骨上發黑色應之者二百日死

目下有黑色橫度年上者不出三十日死黑色入口應天中者
不出一年死

若天中發死色年上命門上竝黃色者未好半惡也以天中爲
主五年內死天中發黑色法三年內死所以然者有二處得主
故五年死

凡天中發黑色兩權上發赤色應之者不出六十日死若年



上發赤色應之者不出三十日死若命門上發赤色應之者不出百日市死婦人產死兵死同氣從命門入耳年上死

赤色從眉衝下入目五日死或丙丁日死

黑色在左右眉上一日死或壬癸日死

赤色入口三日死遠期丙丁日死

黑色從天中及年上入目三日死或壬癸日死或二三日死或

百日半年死

青色如鍼在目下春死或甲乙日死

黃色入目匝四邊戊巳日死

黑色準上行或入目期壬癸日死遠期二十日死若入耳鼻三



目死準上者當鼻上也行謂在壽上年上下降接相次

黃色橫兩權人鼻一年死

黑色如拇指在眉上不出一年暴死一云三年

赤色如馬黑色如烏見面死在口傍左右也右名馬左名烏

黑色從眉繞目死

赤色在口兩傍死

黑色如深漆繞口或白色皆死

黃帝問扁鵲曰人久有病何以別生死願聞其要對曰按明堂察色有十部之氣知在何部察四時五行王相觀其勝負之變色入門戶為凶不入為吉白色見衝眉上者肺有病入闕庭者



夏死黃色見鼻上者脾有病入口者春夏死青色見人中者肝
 有病入目者秋死黑色見權上者腎有病入耳者六月死
 見頤者心有病入口者冬死所謂門戶者闕庭肺門戶目
 戶耳腎門戶口心脾門戶若有色氣入者皆死黃帝曰善
 問曰病而輒死其可傷也寧可拯乎對曰藏實則府虛府實則
 藏虛以明堂調面色以鍼補寫調之百病即愈鼻孔呼吸氣有
 出入出為陽入為陰陽為府陰為藏陽為衛陰為榮故曰人一
 日一夜一萬三千五百息脈行五十周於其身漏下二刻榮衛
 之氣行度亦周身也

夫面青者虛虛者實之補虛瀉實神歸其室補實瀉虛神捨其



墟眾邪竝進大命不居黃帝曰善

五實未見

六虛者皮虛則熱脉虛則驚肉虛則重骨虛則痛腸虛則

髓虛則憊

仲景曰鼻頰色青者腹中冷若痛者死鼻頭色微黑者有水氣

色白者無血色黃者胸上有寒色赤者為風色青者為痛色鮮

明者有留飲

又仲景曰病人語聲寂然喜驚呼者骨節閒病言聲喑喑然不

徹者心膈閒病言聲啾啾細而長者頭中病一作痛

診脉大意第二十一



問曰手足三陰三陽十二經皆有動脈而獨取寸口者何也扁
鵲曰晝夜漏水下百刻凡一刻一百三十五息十刻一千三
五十息百刻一萬三千五百息脈行五十度周於身漏下一
刻榮衛行陽二十五度行陰二十五度合五十度爲一周而復
會於手太陰手太陰者寸口也寸口者五藏六腑氣血之所終
始故法取於寸口也脈有尺寸者從關至尺是尺內陰之所治
從關至魚是寸內陽之所治寸口位八分關上位三分尺中位
八分合三部一寸九分寸口關上爲陽陽脈常淨而速尺中爲
陰陰脈常沈而遲初持脈如三菽之重與皮毛相得者肺脈也
如六菽之重與血脈相得者心脈也如九菽之重與肌肉相得

者脾脉也如十二菽之重與筋乎者肝脉也按之至骨舉指
疾者腎脉也

凡診脉當視其人大小長短及性氣緩急稱其形性則吉與
性相乖則凶何則人大而脉細人細而脉大人樂而脉實人苦
而脉虛性急而脉緩性緩而脉躁人壯而脉細人羸而脉大此

皆爲逆逆則難治反此爲順則爲易治

凡婦人脉常欲濡弱於丈夫也小兒四五歲者脉自疾駛呼吸
八至也

凡春脉細弦而長夏脉洪浮而長來疾而去遲
秋脉微浮而散冬脉沈滑而實季夏脉洪而遲

凡心肺二脉大率俱浮何以別之浮而大者心也浮而短者肺也凡肝腎二脉俱沈何以別之率而長者肝也按之濡舉指實者腎也遲緩而長者脾也

夫人受氣於穀穀入於胃乃傳於五藏六腑五藏六腑皆受氣於胃其清者爲榮濁者爲衛榮行脉內衛行脉外陰陽相貫如環之無端故曰胃爲水穀之海主稟四時故皆以胃氣爲本

凡人病脈不病名曰內虛脈病人不病名曰行尸死不治

夫平和之脈不緩不急不澀不滑不存不亡不長不短不低不昂不縱不橫此爲平也無病尺欲小大關欲小實老人脈欲微陽羸於陰者平也



夫按之不足舉之有餘名曰浮浮陽也

按之去來促急名曰數數陽也

按之如琴瑟絃三關通病梗梗無有屈撓名曰弦弦陽也

按之如動珠子名曰滑滑陽也

按之實強其脈有似沈伏名曰牢牢陽也

按之浮大在指下而滿名曰洪洪陽也

按之洪大牢強隱指名曰實實陽也

脈見於關上無頭尾大如豆厥厥搖名曰動動陽也

右件八條皆陽脈也

按之有餘舉之不足名曰沈沈陰也



按之無舉之來兩傍實而中央空名曰芠芠陰也

按之遲小名曰細細陰也

按之短實而數有似切繩狀名曰緊緊陰也

按之依依名曰緩緩陰也

按之大遲名曰虛虛陰也

按之短小不至動搖若有若無或復浮薄而細急輕手乃得重

手不得名曰微微陰也

按之乃得舉之無有濡而細名曰弱弱陰也

按之盡牢舉之無有不前不卻但出不入如魚接食動中名曰

遲遲陰也



按之無有舉之有餘或如帛衣在水中輕手與肌肉相得而硬
名曰濡濡陰也

按之促數浮短如刮竹皮輕手乃得重手不離其處或多人
少出名曰澀澀陰也

按之來數時一止名曰促促陰也

脈來動而中止按之小數中能還者舉指則動名曰結結陰也
不死

脈動而止不能自還因而復動名曰代代陰也代者死

右件一十四條皆陰脈也

脈有相薄者寸口微而尺中弦此爲相薄也或但寸口微而弦



亦為相薄也

沈與伏相類

濡與弱相類

弦與緊相類

浮與芤相類

牢與實相類

微與澀相類

遲與緩相類

滑與數相類

凡脉出為陽入為陰來往之間為脾大陰也

凡脉浮滑長皆為陽沈澀短皆為陰也

脉有一陰一陽者脉來沈而滑也一陰二陽者脉來沈滑而長

也一陰三陽者脉來浮滑而長時一沈也一陽一陰者脉來浮

而澀也一陽二陰者脉來長而沈澀也一陽三陰者脉來沈澀

而短時一浮也



脉有伏匿者謂陰陽更相乘伏也若脉居陰部反陽脉見爲陽乘陰也雖陽脉時沈澀而短者此爲陽中伏陰也脉居陽部陰脉見爲陰乘陽也雖陰脉時浮滑而長者此爲陰中伏陽故重陰者癩重陽者狂
脉有太過有不及有陰陽相乘有覆有溢有關有格關之前者陽之動也脉當見九分而浮過者謂之太過減者謂之不及遂上魚爲溢爲外關內格此陰乘之脉關之後者陰之動也脉當見一寸而沈過者謂之太過減者謂之不及遂入尺爲覆爲內關外格此陽乘之脉是真藏之見也得此諸脉人不病自死寸脉下不至關爲陽絕尺脉上不至關爲陰絕此皆死不治欲決

死生當以月節期之

脈有相乘有縱有橫有逆有順何以知之水行乘火金行乘
名曰縱火行乘水木行乘金名曰橫水行乘金火行乘木名
逆金行乘水木行乘火名曰順也

夫欲知人病將愈當診其三部之脈大小遲疾浮沈正等雖有
寒熱不解然陰陽已平知當愈也

夫病者發熱身體疼痛此爲表有病其脈當浮大今脈反沈遲
故知當愈病卒腹中急痛此爲裡有病其脈當沈細今脈反浮
次故知當愈然此二脈其人不能愈者必當死以其病與脈相
反也



夫脉者血之腑也長則氣治短則氣病數則煩心大則病進上
盛則氣高下盛則氣脹代則氣衰細則氣少短而急者病在
長而緩者病在下弦而沈者病在內浮而洪者病在外脉實
病在內脉虛者病在外滑而微浮病在肺下堅上虛病在脾胃
長而弦者病在肝脉小血少病在心大而緊者病在腎
凡脉腑爲陽主熱藏爲陰主寒陽微自汗陰浮自下陽數卽口
瘡陰數卽惡寒陽數出血陰澀下血脉與肌肉相得久持之至
者可下之

夫脉有三部陰陽相乘榮衛氣血任人體躬呼吸出入上下於
中因息遊布津液流通隨時動作倣象形容春弦秋浮冬沈夏

洪察色觀脉大小不同一時之間變無經常尺寸參差或短或長上下乖錯或有或凸病輒改易進退低昂心迷意惑動法相綱願爲具陳令得分明師曰予之所問道之根源脉有三部尺寸及關榮衛流行不失銜銓腎沈心洪肺浮肝弦此自經常不失銖分出入升降漏刻周旋水下二刻一周循環當復寸口虛實見焉變化相乘陰陽相干風則浮虛寒則牢堅沈潛水畜支飲急弦動卽爲痛數卽熱煩設有不應知有所緣三部不同病各異端太過可怪不及亦然邪不空見終必有奸審察表裡三焦別焉知其所舍消息診看料度藏腑獨見若神爲子條記傳與賢人

凡療病當察其形氣色澤脉之盛衰病之新故乃可療之形氣相得色澤以浮脉順四時此爲易治形氣相失色天不澤脉堅甚脉逆四時此爲難療

夫形盛脉細少氣不足以息者危形瘦脉大胸中氣多者死形氣相得者生三五不調者病

夫關前爲陽關後爲陰陽出陰入以關爲界陽數則吐陰數則下陽弦頭痛陰弦腹痛

診四時脉第三

春肝木王其脉弦細而長者平脉也反得微浮而短澀者是肺之乘肝金之尅木爲賊邪大逆十死不反得浮大而洪者是

心之乘肝子之乘母爲實邪不治自愈反得沈濡而滑者是腎
之乘肝母之歸子爲虛邪雖病自愈反得大而緩者是脾之乘
肝土之畏木爲微邪雖病不死

夏心火王其脉浮大而洪者是平脉也反得沈濡而滑者是腎
之乘心水之尅火爲賊邪大逆十死不治反得大而緩者是脾
之乘心子之乘母爲實邪不治自愈反得弦細而長者是肝之
乘心母之歸子爲虛邪雖病當愈反得微浮而短澀者是肺之
乘心金之畏火爲微邪雖病不死

季夏六月脾土王脉大穰穰而緩者爲平脉也反得弦細而長
者是肝之乘脾木之尅土爲賊邪大逆十死不治反得微浮而

短澀是肺之乘脾子之乘母爲實邪不治自愈反得浮大而洪者是心之乘脾母之歸子爲虛邪雖病自愈反得沈濡而滑者是腎之乘脾水之畏土爲微邪雖病不死

凡脾脉王則不見衰時卽見

秋脉金王其脉微浮而短澀者是平脉也反得浮大而洪者是心之乘肺火之尅金爲賊邪大逆十死不治反得沈濡而滑者是腎之乘肺子之乘母爲實邪不治自愈反得大而緩者是脾之乘肺母之歸子爲虛邪雖病自愈反得弦細而長者是肝之乘肺木之畏金爲微邪雖病不死
冬腎水王其脉沈濡而滑者是平脉也反得大而緩者是脾之



乘腎土之尅水爲賊邪大逆十死不治反得弦細而長者是肝
之乘腎子之乘母爲實邪不治自愈反得微浮而短澀者胃
之乘腎母之歸子爲虛邪雜病自愈反得浮大而洪者是
乘腎火之畏水爲微邪雖病不死

診寸口脉第四

寸口緊者中風風頭痛亦爲傷寒頭痛

寸口沈而橫者脇下有積腹中有橫積痛

寸口浮大而實宿食不消浮滑亦然

寸口沈而緊寒結在心下痛

千金云沈而緊者心下有寒時時痛有積邪

寸口沈滑胸中有水氣面目腫有微熱名爲風水

寸口沈而弱寒熱痼瘕少腹痛

寸口微而弱氣血俱虛男子吐血婦人下血嘔汁出

寸口弱而弦胸中脇下腰背竝痛

寸口雙弦脇下拘急而痛漚漚而寒

寸口弦緊而細痛在心下

寸口洪而大傷寒熱病兼胸脇下滿痛

寸口細沈滑者有積聚在脇下左右皆滿背相引痛

寸口細而數數即發熱細即反吐

寸口緩而數者中風

寸口沈而喘則寒熱



寸口盛而緊者傷於食也

寸口急而少腹痛

寸口浮大而疾者名曰陽中之陽病苦煩滿身熱頭痛腹中
寸口沈細者名曰陽中之陰病苦悲傷不樂惡聞人聲少氣時
汗出陰氣不通臂不能舉

寸口脈壯大尺中無有此爲陽干陰病苦腰背痛陰中傷足脛
寒

寸口偏絕者則臂偏不其人兩手俱絕者不治

寸口脈弱而遲弱即衛氣微遲即榮中寒榮爲血血寒即發熱
衛爲氣氣微即心中饑饑而虛滿不能食

寸口脉弱而緩弱則陽氣不足緩即胃氣有餘噫而吞酸食卒

不下氣填於膈上

一作下

寸口脉微而弱微即無氣弱即血不足血不足即不能呼氣
足則不能吸呼吸不足則胸滿短氣

寸口脉微而澀微即衛氣不行澀即榮氣不逮榮衛不能相將
三焦無所仰身體痺不仁榮氣不足即疼而煩滿口即難言衛
氣虛即惡寒而數欠

寸口脉微而澀微即衛氣衰澀即榮氣不足衛衰其色黃榮不
足其色青榮爲根衛爲葉榮衛俱微即根葉枯槁而寒慄欬逆
唾腥吐涎沫



寸口脉微而緩微即衛氣疎疎即其膚空緩即胃氣足足即穀消而水化穀入於胃脉道乃行水入於經其血乃成榮盛則肌膚必疎三焦絕經名曰血崩

寸口脉微而數微即爲風數即爲熱微爲風風即汗出數爲熱振而寒慄

寸口脉微而遲尺脉沈即爲血滑即爲實血實內結入絡胸臆肺痿色薄不能喘息而心堅脫色口不能言肝舉筋厥四逆不識人

寸口脉微而濡濡即爲弱微即爲寒濡即惡羸弱即發熱濡即厥逆微濡相薄即爲煩其氣在心



寸口脈微尺中緊其人虛損多汗知陰常在絕不見陽
寸口諸微爲無陽諸濡爲無血諸弱爲發熱諸緊爲寒微濡爲
血不足

診關上脈第五

關上浮而數胃中熱

關上沉而大風在胃中腹脹急心下澹澹然羸瘦不能食

千金云關上浮

大風有胃中張口肩息心下澹澹食欲嘔

關上細微而絕者腹中痺少氣不能食

關上微而芤唾血亦吐血

關上弦緊而細癥在胃管



關上緊而滑者蛔蟲動

關上微浮積熱在胃中

關上滑而大小不均是為病方欲來不出一二日內復欲

其人欲多飲飲即注痢如痢止者生不止者死

關上弦者身痛臍左右上下脈經云關脈弦長者積在臍左右上下

診六中脈第六

尺中緊而弦下痢病

尺中浮數小便不利尿黃

尺中微而滑帶下病

尺中微而芤尿血



尺中弦而細癥在臍下

尺中細而急筋攣疼痺不能行

尺中細而滑婦人欲產

尺中虛小者足脛痠寒痺脚疼

尺中虛者漏血小便不禁

尺中沈細者名曰陰中之陰痛苦兩脚疼酸不能久立陰氣衰

小便有餘澀陰下濕癢

尺脉滑而浮大者名曰陰中之陽痛苦少腹癃滿不能尿尿則

陰中痛大便亦然

尺中牢長關上無有此爲陰干陽痛苦兩脛重少腹引腰痛

尺寸俱數有熱俱遲有寒

尺寸俱濡發熱汗出

尺寸俱浮直下此為督脈腰背強痛不得倪仰大人癩病

風癩

尺寸俱微血氣不足其人短氣

尺寸俱牢直上直下此為通衝脈胸中有寒疝

診雜病脈第七

熱病大汗後脈不安靜者死

熱病脈盛大而駛不得汗此熱發也

寒熱痢癰脈絕代者死



熱病未得汗脈盛大者生細小者死

熱病多汗脈虛小者生緊實者死

熱病多汗脈常喘而熱不退者死

汗出而動其脈小滑者生大躁者死

一云微細為難治

傷寒脈浮而洪大者易治譫言妄語身熱脈洪大者生沈細而

微手足四逆者死

欬而尿血羸瘦脈大者死

欬且羸瘦脈堅大者死

上氣注液脈虛慢伏匿者生牢弦者死

寒疝上氣脈虛濡者生牢急而疾者死



南京中醫藥大學圖書館版權所有

上氣喘息脉滑手足溫者生澀而四肢寒者死

上氣面浮腫肩息脉浮大者死

上氣喘息脉滑者生大而駛者死

喘血脉沈弱者生一云緊強者死滑者生

吐血脉牢實者死

吐血鼻衄脉沈細者生浮大而牢者死

中惡腹大脉緊實細者生浮大者死

金瘡出血不斷脉大而止者七日死

金瘡出血太多脉虛細者生大數者死

金瘡所傷在陽處者去血四五升脉弱微緩而遲者生急疾者



死

人被笞榜內有結血脈實大者生虛小者死

從高墮下及金瘡內有瘀血腹脹脈牢大者生沈細者死

心腹痛脈沈細者生浮大而長者死

腹脹脈浮者生虛小者死

下痢脈微細者生浮大者死

下痢脈代絕者不死

腸澼便膿血脈沈細虛遲者生疾大而有熱者死

腸澼下白沫脈沈者生浮者死

腸澼下赤白脈細微而遲身體溫暖可治



腸澼其脈滑者生浮者死懸絕者死

洩痢脈緩時小結者生浮大而數者死

洞洩或去膿血食不化者脈微小者生實急者死

洩痢脈細微而澀者生緊大而滑者死

洩痢寸關脈不見尺中時一見此腎氣見爲難治

下痢脈絕手足寒晬時脈還手足溫者生脈不還不溫者死

霍亂脈大可治微細難治

霍亂吐下脈微遲氣急劣口不欲言者不治

病手足厥逆脈當此細而澀反得堅大而滑者死

水病脈洪大者生微細者死



消渴脉數大者生細小浮短者死

卒中風四肢不收唇口僻語言不正脉浮遲者生顛病卒

望弦實大者生虛伏濡小者死

癲狂恍惚脉牢者生沈細者死

中風口噤不能言四肢不收其脉浮遲者生實大數急者死病

風痺不仁痿厥脉虛數者生牢急者死

目眦眦脉大緩者死

閉目不欲見人脉得肝脉者生反得肺脉者死

耳聾脉大者生沈遲細者難治

堅積洩痢脉微細者生浮者死



頭痛脈短澀者死浮滑者生

中毒藥陽脈洪大而速者生微細者死

脈經速作遲

暴病脈微細者生大急洪首者死

大人得小人脈者死

脈但出不能入者死

將死之脈如羣鳥之聚一馬之馭系木交緊一作馳之狀如懸石

之落出筋之上藏筋之下堅關之裡不在榮衛伺候交射不可

知也

困病脈如蝦之游如魚之翔者死蝦游者冉冉而起尋復退沒不知所在久而復起起輒遲而沒去甚速是也魚翔者似魚不



南京中醫藥大學圖書館版權所有

行而但掉尾動身其動疏而住久是也

脉病人不病脉如屋漏雀啄者死屋漏者其脉既絕而止時

一起不相連屬也雀啄者脉來甚數而急疾絕止久已復頓

脉來如彈石去如解索者死彈石脉辟辟急也解索脉動數而

隨散亂無次緒也

脉來涌涌不去者死

脉如轉豆者死

脉如偃刀者死

脉怒來忽去暫止復來者死

脉中移者死



脈久經者死

脈有表無裡者死

婦人尺脈之不絕者胎也

產後寸口疾不調者死沈微附骨不絕者生新產後渴熱

脈細而四冷者死

三部脈沈正等不斷絕者有娠也

妊娠脈滑沉重手按之不散者胎已三月也但疾不滑者五月也妊娠七八月脈實大牢強弦緊者生沈細者死欲產者其脈細而滑也

婦欲產其脈離經者日生也



新產脈小緩滑者生實人弦急者死

已產脈沈虛小者生實牢堅者死

婦人月經不通脈絕小實者生浮虛者死

婦人脈寸關調如故而尺脈絕不至者月經不利當患少腹引

腰絞痛氣積聚上叉胸脇也

漏下赤白脈急疾者死遲滑者生

婦人脈尺寸俱微弱則絕子不產也

小兒脈沈者乳不消也

小兒弦急者客忤氣也

凡按人脈五十至而不止者五藏皆受氣是吉也四十動而一



止一藏無氣四歲死二十動而一止者二藏無氣三歲死二十
動而一止者三藏無氣二歲死一十動而一止者四藏無氣
中死

凡脉一動一止或三動一止或十動一止投鼓無常此死脉也
命雖未盡正當小引日月耳

凡脉一呼再至一吸吸至呼吸定息其脉五至不大不小爲平
若一呼三至一吸三至始爲得病也

大脉前大後小則爲頭痛目眩前小後大則爲胸滿短氣

問曰何謂損至答曰脉有損至謂一呼再至曰平三至曰離經
曰至曰奪精五至曰死六至曰命絕此謂至脉也一呼一至曰



離經二呼一至曰奪精三呼一至曰死四呼一至曰命絕此謂
損脈也至脈從下上也損脈從上下也損脈之爲病也一損
於皮毛皮聚而毛落二損損於血脈血脈虛少不能榮於五
三損損於肌肉肌肉消瘦飲食不爲肌膚四損損於筋筋緩不
能自扶持五損損於骨骨痿不能起於牀反此者至於收病從
上下者骨痿不能起於牀者死從下上者皮聚而毛落者死
損其肺者益其氣損其心者調其榮衛損其脾者調其飲食適
其寒溫損其脾者緩其中損其腎者益其精氣也
凡脈一息再至爲平無病也一息三至名離經離失也經常也
其人榮衛已虧將欲病也

一息四至爲奪精其人已病也一息五至爲經命有大有小爲
難治一息六至爲將滅一息七至爲命盡一息八至爲無魂
息九至爲無魄一息十至爲今死
一息一至其人雖行當著牀其人血脈已病諸氣皆不足也二
息一至爲危三息一至爲困四息一至爲行尸將死五息一至
爲定死

千金翼方卷第二十五終

